

Sindikata radnika u zdravstvu u Kantonu Sarajevo  
Obala Kulina Bana 1  
Broj: 287/18  
Sarajevo, 18.06.2018. godine

## ZAPISNIK

sa 24. Vanredne sjednice Glavnog odbora Sindikata radnika u zdravstvu u Kantonu Sarajevo održane 18.06.2018. godine sa početkom u 14,00 sati

Prisutni članovi Glavnog odbora Sindikata radnika u zdravstvu u Kantonu Sarajevo (u daljem tekstu: Glavni odbor Sindikata): Duraković Aner zamjena za Bešić Samira, Durak Ševala zamjena za Bijedić Lanu, Zijadić Mustafa zamjena za Brajković Maria, Burzić Amir, Delihanović Kemo, Dizdarević Fikreta, Feta Zarif, Habul Mirza, Koudeimati M. Bassam, Poljo Aela, Sadiković Senad, Selimić Edo i Tukelija Adnan.

Odsutni članovi Glavnog odbora Sindikata: Bukvić Semra, Čaušević Amir, Gabela Sanela (pravdala), Kužatko Vedran zamjena za Gušić Edisa, Istenić Nermin, Karić Aldijana i Pekmez Medina Amina (pravdala).

Pored članova Glavnog odbora Sindikata, sjednici su prisustvovali i članovi pregovaračkog tima Sindikata radnika u zdravstvu u Kantonu Sarajevo: Lihovac Agnesa, Šetić Remzija, Pilavac Fadila, Hadžić Armin, Grabovica Jasmin i Bećirspahić Dževad.

Za sjednicu je predložen sljedeći dnevni red:

1. Nastavak kolektivnih pregovora
2. Razno

Predloženi Dnevni red je jednoglasno usvojen, uz definisanje tačke razno:

- a) Molba za jednokratnu pomoć, podnosilac Bogilović Haris - član Osnovne sindikalne organizacije JU Zavod za transfuzijsku medicinu FBiH

tako da usvojeni Dnevni red glasi:

1. Nastavak kolektivnih pregovora
2. Razno

- a) Molba za jednokratnu pomoć, podnosilac Bogilović Haris - član Osnovne sindikalne organizacije JU Zavod za transfuzijsku medicinu FBiH

### Ad1.

Članovi pregovaračkog tima Sindikata upoznali su prisutne da je dana 13.06.2018. godine održan četvrti sastanak pregovaračkih timova na kojem se raspravljalo o dostavljenom prijedlogu izmjene i dopune člana 33. Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo (u daljem tekstu: Kolektivni ugovor), ističući, između ostalog, da su ovom, kao i prethodnom sastanku, prisustvovali i predstavnici Sindikata doktora medicine i stomatologije Kantona Sarajevo i predstavnici Sindikata Kliničkog centra Univerziteta u Sarajevu. Pregovarački tim Vlade Kantona Sarajevo nije dao konkretnu ponudu po prijedlogu ovog Sindikata, već je istakao da na raspolaganju ima 8,5 miliona KM i da očekuju da se predstavnici sindikata međusobno dogovore. Na to je pregovarački tim Sindikata istakao da su zaključena dva kolektivna ugovora i da se nemamo šta dogovarati, te je pozvan pregovarački tim Vlade Kantona

Sarajevo da se izjasni o prijedlogu ovog Sindikata. Na kraju sastanka je zaključeno da se pregovarački tim Vlade Kantona Sarajevo sutra, 14.06.2018. godine do 12,00 sati izjasni o prijedlogu ovog Sindikata koji glasi:

- koeficijent složenosti poslova svim radnicima u oblasti zdravstva, izuzev doktora medicine i stomatologije, tj. plaće „nedoktora“ povećava se linearno za 0,3;
- da se kod zanimanja VIII/2 briše tačka i dodaju riječi: „na odgovornom radnom mjestu i u skladu sa pravilnikom o radu, plaćama i sistematizaciji radnih mjesta javno zdravstvene ustanove“;
- da se nakon navršenih 10 godina radnog staža, „nedoktorima“ poveća koeficijent složenosti poslova za 0,1.

Dana 14.06.2018. godine u 15,03 sati, putem fax-a, zaprimili smo Dopis Ministarstva zdravstva Kantona Sarajevo broj: 10-34-30844/17 od 14.06.2018. godine sa prijedlogom korekcije koeficijenata koje je sačinio Zavod zdravstvenog osiguranja Kantona Sarajevo, a koji je članovima Glavnog odbora Sindikata dostavljen uz poziv za ovu sjednicu.

Nakon što je razmotren dostavljeni prijedlog i nakon okončanja diskusije u kojoj su učestvovali: Selimić Edo, Delihasanović Kemo, Šetić Remzija, Sadiković Senad, Tukelija Adnan, Koudeimati M. Bassam, Lihovac Agnesa, Bećirspahić Dževad, Durak Ševala i Hadžić Armin, Glavni odbor Sindikata je jednoglasno donio

### ZAKLJUČKE

1. Dostavljena ponuda, odnosno dostavljeni prijedlog korekcije koeficijenata sačinjen od Zavoda zdravstvenog osiguranja Kantona Sarajevo se odbija u cjelosti,
2. Od Vlade Kantona Sarajevo i Ministarstva zdravstva Kantona Sarajevo, kao predstavnika poslodavaca, zahtijevati da se ubuduće sastanci u vezi kolektivnih pregovora i izmjena i dopuna Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo obavljaju isključivo sa predstavnicima Sindikata radnika u zdravstvu u Kantonu Sarajevo, bez prisustva predstavnika ostalih sindikata,
3. Nastaviti sa organizacijom generalnog štrajka u svim osnovnim sindikalnim organizacija Sindikata radnika u zdravstvu u Kantonu Sarajevo koji će se održati nakon provođenja zakonskih procedura i
4. Po drugi put pozvati Vladu Kantona Sarajevo i Ministarstvo zdravstva Kantona Sarajevo da se formira mirovno vijeće i provede postupak mirenja.

#### Ad2.

- a) Nakon uvida u dostavljene medicinske akte Bogilović Harisa, član Osnovne sindikalne organizacije JU Zavod za transfuzijsku medicinu FBiH, Glavni odbor Sindikata jednoglasno je donio odluku kojom se odobrava isplata jednokratne novčane pomoći Bogilović Harisu shodno Odluci o uslovima i načinu dodjele jednokratne novčane pomoći članovima Sindikata.

Sjednica je završena u 15,20 sati.

#### Napomena:

Sastavni dio ovog zapisnika je tonski snimak rada 24. Vanredne sjednice Glavnog odbora Sindikata.

Zapisnik sačinila  
Malićević Sanela, dipl. iur

